



Kenyataan Media

CYBERJAYA
19 April 2024

PROGRAM ADVOKASI DAN JANGKAUAN KAMPUNG ORANG ASLI NEGERI SEMBILAN JUARA ANUGERAH WSIS 2024

Program Advokasi dan Jangkauan untuk Kampung Orang Asli Negeri Sembilan yang merupakan inisiatif Suruhanjaya Komunikasi dan Multimedia Malaysia (MCMC) dengan Jabatan Kemajuan Orang Asli (JAKOA) Negeri Sembilan, Jabatan Penyiaran dan Jabatan Penerangan Negeri Sembilan, telah dinobatkan sebagai juara bagi Anugerah *World Summit On The Information Society Prizes 2024* (WSIS 2024).

Anugerah berkenaan dimenangi bagi 5 *Action Lines* Kategori 5 iaitu Membina Keyakinan dan Keselamatan dalam Penggunaan ICT.



Program Advokasi dan Jangkauan untuk Kampung Orang Asli Negeri Sembilan dinobatkan sebagai juara bagi Anugerah *World Summit On The Information Society Prizes 2024* (WSIS 2024)

Kejayaan inisiatif MCMC meraih Anugerah WSIS membuktikan pengiktirafan masyarakat antarabangsa terhadap projek yang telah dibangunkan oleh MCMC dalam memperkasakan keterangkuman digital dalam kalangan masyarakat Orang Asli melalui penyediaan akses ICT serta keselamatan dan literasi digital.

Program ini yang telah bermula sejak tahun 2023 memberi fokus kepada golongan sasar iaitu kanak-kanak, remaja dan ibu bapa dalam kalangan Masyarakat Orang Asli terhadap amalan terbaik melayari Internet.

WSIS Prizes adalah satu pertandingan antarabangsa yang dibangunkan bagi menilai dan mengiktiraf projek cemerlang dalam melaksanakan strategi berorientasikan pembangunan yang memanfaatkan ICT sebagai pemangkin kepada pembangunan.

WSIS Prizes juga merupakan satu platform untuk mengenal pasti dan mempamerkan kisah-kisah kejayaan dan suri teladan yang boleh dicontohi, untuk menghargai usaha pihak-pihak berkepentingan atas komitmen mereka dan nilai tambah yang diberikan kepada masyarakat ke arah mencapai matlamat WSIS.

Anugerah WSIS akan disampaikan pada Majlis Anugerah *WSIS Prizes 2024* yang akan dianjurkan oleh Kesatuan Telekomunikasi Antarabangsa (ITU) di Geneva, Switzerland pada 30 Mei 2024 depan.

KOMUNIKASI KORPORAT MCMC

Suruhanjaya Komunikasi dan Multimedia Malaysia | Malaysian Communications and Multimedia Commission
MCMC Tower 1, Jalan Impact, Cyber 6, 63000 Cyberjaya, Selangor MALAYSIA
T: + 60 3 86 88 80 00 | F: + 60 3 86 88 10 00 | E: scd@mcmc.gov.my | W: www.mcmc.gov.my

